

## Vaccinacia karing Covid-19

E Pandemia chi das kaj gor. Vaccinacia si e maj efektivno metoda te na nasvajves zurales vaj te meres ando covid-19. Vaccinacia vi shaj azutij te tsinjarel o kotor manush kaj nasvajven po covid-19 ando them. Anda kodja si importante so majbut djene te len e vaccina

Vaccini si zurales seurni medicini aj le vaccini karing covid-19 zi zurales pherdal dikhline.

Tuke naj musaj te des love pe vaccinacia karing covid-19. Te les jek lashi protecia karing covid-19 trubul tut duj dosi anda e vaccina. Tu les le dosi 4-7 pala jekh kavreste.

### Savi vramia shaj lav e vaccinacia?

Sagodi kaj kerdzile ando 2005-bersh vaj maj fugo si dine shajimos kaj vaccinacia thaj shaj keren peske vramia vaj aven pe drop in vaccinacia. Tu naj musaj te aves shvedisko citizento te shaj les e vaccina. Vi kodja manush kaj tempornie beshen ando them, kaj rhoden asylo vaj kaj si ando Shvedo bi permisiako shaj len e vaccina po jiva.

E rekomendacia site les e vaccina vi te sas tu o nasvalimos covid-19

Thela tomna lena le glati ande bersh 12-15 e chansa te len vaccina. E vaccinacia avla ande majbut kerdini ande regionake shkoli. Informacia sar e vaccinacia avla kerdini avla po 1177.se djipon kezdi pe.

### Ker tuke vramia

Tu shaj les vaccina pe savo sastimasko centralo kaj manges ando Västerbottens län.

E vramia pe angluni dosa keres tu korkorro. E vrama pe dujto dosa lesa katar medicinako personalo kana lesa e pervo dosa.

Tu keres tuke vramia kana zas andre po 1177.se kusa jek elektronikno-legetimacia vaj te keres telefono ande savo manges sastimasko centralo. Te na naj tut shajimos te keres vramia pa internet vaj te keres telefono shaj zas kaj jek sastimasko centralo te keres tuke jek vramia.

Tu nashtis te keres telefono ande 1177 te keres tuke vramia.

### Drop in

Tu shaj vi aves pe jek drop in-vaccinacia kaj si dine pe unji thana,

Te kames te les chiri dujto dosa po drop in pala kodja ke lan chiri pervo dosa avri anda Västerbottens län site les tusa chiri vaccinaciaki karta vaj chiro journalo.

De tut godji – ke te si tut jek vrama pe vaccina angla kado musaj korkorri te les thele kodja vramia te mangesa te les vaccina po drop in.

Tu arakhes intregi vrami kaj shaj les pa internet thaj intregi vrami po drop in po vaccinationsbokning.regionvasterbotten.se(Patrin pe shvedisko chib)

### Ker tuke vrama pa internet

Kana tu ghelan andre po 1177.se te keres tuke vramia si e informacia pe shvedisko chib. Te na zanes te djines shvediska, shaj manges varekon pashe tuke te azutin tut te keres vramia pa internet. Tu shaj vi keres telefono kaj o sastimasko centralo kaj shaj kerel tuke jek vrama.

Kadja keres te shaj keres tuke vramia po 1177.se:

1. Za pe patrin vaccinationsbokning.regionvasterbotten.se (patrin pe shvedisko chib). Kothe shaj dikhes sode si volni vrami ande intregi sastimaske centralura thaj vaccinaciake thana.
2. Ande sako sastimasko centralo thaj vaccinaciako than kaj si le volni vrami si skirime savi data si volni vrami thaj sode si anda lende. O kotor volni vrami si markovani zele none colorosa.
3. Za po linko "Boka vaccination mot covid-19" ande kodja sastimasko centralo vaj vaccinaciako than kaj tu manges.
4. Za andre jekha elektronikno-legetimaciasa.
5. Ramon ande jek formulero kaj si unji pushimata. Le pushimata si pe shvedisko chib.
6. Alon "Covid-19-vaccination dos1"
7. Alon jek volno vrama tuke.

### Ker tuke vramia pa telefono kaj o sastimasko centralo

Tu shaj keres tuke vramia pa telefono ande savo sastimasko centralo kaj manges. Naj musaj te avel kodja sastimasko centralo kaj tu mindig zas ande leste. O sastimasko centralo vi shaj azutij tut te keres jek vrama ande jek centralo vaccinaciako than. Tu nashtik keres telefono ando 1177 te keres tuke jek vrama.

Kana tu keres telefono shaj des дума shvediska vaj englishiska. Mang varekas kaj zanes te azutin tut te keres vrama te na zanes te des дума varesavi anda kadja chibja.

### Kana naj tut jek shvedisko personnummer

Tu shaj les e vaccina vi te na naj tut jek shvedisko personnummer. Tu keres vramia kana zas ande jek sastimasko centralo vaj aves pe drop in- vaccinacia. Le tusa varesavi legitimacia sar jek LMA-karta vaj jek EU-karta. Te si tut jek samordningsnummer les tusa vi kodja. Kana aves pe chiri vizita lesa jek temporarno numero katar o medicinako personalo kaj trubul te inkres djipon chi lan e dujto dosa vaccina. Te si tut jek reserv-nummero kaj lan thela jek



phurani vizita shaj hasnis atunchi kodja. O numero si ferik hasnime ande spiti (sjukvården) thaj nashtik avel hasnime vaj rhodino katar kaver departemento.

## **Te keres vrama de neves vaj te les thele vrama**

Si zurales importante te aves pe chiri vramia kaj so kerdan tuke anda kodja ke vaccina si rezervime tuke kaj kerdan vramia. Ferik te si tut symptomura kaj shaj sikhaven covid-19 atunchi nashtis te les e vaccina. Atunchi si les thele chiri vrama thaj te des jek pruba. Tu shaj vi les thele chiri vizita zi kaj e vrama kaj si te aves. Le sama ke le sastimaske centralura thaj le vaccinaciake thana si le limitim chansi te den tut jek vrama de neves pe dujto dosa. Anda kodja shaj lel pherdo kurke djipon les jek nevi vramia.

Te trubul te keres tuke jek vrama de neves pe dujto dosa shaj keres kadja pa internet ande unji sastimaske centralura. Shaj dikhes chi shaj paruves e vramia korrkori kana zas andre po 1177.se. Kade shaj keres telefono ande sastimasko centralo te les jek vramia de neves.

Te san nasvalo/nasvali thaj trubul tut jek nevi vrama thela maj tsera sar 24 chasura angla chiri vizita musaj te keres telefono ando sastimasko centralo

## **Te na aves kaj jek vizita kaj si tut vrama vaj pharuves chiri vrama pra pozno**

Te na aves pe vizita kaj si chiri vrama musajij te pochines. Sa kadja si te pharuvesa chiri vramia maj tsera sar 24 chasura angla chiri vizita. E pochin si 250 koroni.

So te des tu godi angla vaccinacia

- Le tusa chiri legitimacia thaj jek andre ramome sastimaski deklaracia . Tu arakhes jek linko kaj e sastimaski deklaracia pe chiri chib po 1177.se/other-languages Tu shaj vi les jek sastimaski deklerecia kaj shaj ramos kana aves pe chiri vizita te les vaccina.
- Tu kaj chi san inke 18 bershengo/bershengi thaj pharo si tuke te alares sar varekon del tuke дума vaj ramol informacia vaj te keres vareso pala instrukcia trubul tut jekhe responsabilno manushesko anav ramome pe jek lil kaj mothol ke si zgodno te si ke o responsabilno manush chi avel tusa kaj vaccinacia. (O lil si pe shvediska).
- Le pe tute tsali kaj ulatvin te les o zastjiko ando vas. Sar exemplo bluza skurtone bajengi.
- Na av po than kaj les vaccina te si tut symptomura po covid-19. Atunchi keres tuke jek vrama de neves.
- Av maj sigo 10 minuti angla chiri vrama te na aven pra but manush pe jek than. De ttut godji sar te inkres distanso kaverendar kana azukres pe chiri vramia.
- Kodo personalo kaj maladzola tusa den дума shvediska aj englishiska. Te lesa e vaccina ande jek sastimasko centralo si tut shajimos kaj jek tlumaco. Atunchi si te phenes kado le personaloske kana keres tuke vramia.
- So godi medicinako personalo si len sekretesso. Kado znachil ke nashtis te phenen varekaske pa chiri medicina thaj azutimos manusheske kaj chi kherel buchi ande medicina. Kado si vaj san shvedisko citizento vaj na.
- Le pe tute mujeski maska kana si te zas te les e vaccina. Te si varekon tusa si atunchi sa kadja kodole manusheske. Le tusa ferik jek pashe manush kaj chiri vaccinacia te si tuke musaj.

## **Pala vaccinacia**

Shaj dukhal chiro vas, dukhal chiro shero thaj shaj alares tut khini/khino le pervi djes pala vaccinacia. Shaj vi avel tuke shill, les fiebre, dukhal chire khokala thaj muskuli. Kadja butivar si maj kovle symptomura kaj hasajvon pala pari djesa. Ash khere sode vrama si tut tymptomura. Te si ke le symptomura chi hasajvon thela jek djes trubula te des pruba. Kado si te zanas chi si tut covid-19, sar exemplo te nasvajlan angla chiri vaccina.

## **Inker le rekomendaciji maj cera te pherel o covid-19 majdur**

Site inkres le departementonge rekomendaciji djipon lan sa le dosi vaccina. Tu site inkres distanso thaj pashe kontakto manushensa kaj si 70-bershenge vaj maj phure vaj kaj si le jek nasvalimos vaj kondicia kaj kerel ke si ande risika te nasvajvon zurales.

Lel jek zi kaj e duj kurke pala paluni dosa vaccina djipon tu les jek lashi protecia. Si jek tsini chansa ke shaj les o nasvalimos vi te lan e vaccina.

Si vi jek tsini risika ke pheres o viruso majdur vi tena san nasvalo/nasvali, sar exemplo te lan les pe chire vast.

Chi zanan sode vramia e vaccina del protecia manushes.

## **Telefonoski linja pe majbut chiba**

Te si tut generalni pushimata pa covid-19 thaj vaccina shaj des дума kaj 08-123 680 00. Tu shaj les zutimos pe kadja chibja: amhariska, arabiska, bosniska, kroatiska, dari, englishiska, persiska, rusiska, serbiska, somaliska, spaniska vaj tigrinska. E telefonoski linja si phuterdi luja zi kaj parashtuj 9 zi kaj 15.

[1177.se/other-languages](https://1177.se/other-languages)



## **Telefonoski linja pe majbut chiba**

Majbut informacia pa vaccina karing covid-19 si po [lakemedelsverket.se/en/this-is-what-applies-to-corona-vaccine](https://lakemedelsverket.se/en/this-is-what-applies-to-corona-vaccine) (patrin pe englishisko chib)

Kontaktoski informacia kaj sastimaske centrali si po [1177.se/hitta-ward](https://1177.se/hitta-ward)